



長篇連載專欄

◎憶往事看神能◎

大奇蹟！長子出生時

——tī頭城教會



■ 胡文池

伊一生只有這一 pái 來訪問我，tú 踏入門 tiòh 知影阮某難產，gin-á 生 bōe 出來，伊馬上轉身回宜蘭叫來伊助產士 ê 姐姐，我 ê 長子 tùi án-ne 得救。上帝是咱患難中及時 e 幫助 (詩篇四六：1)。

頭城 (當時叫頭圍) 是一個小鄉鎮，教會 mā 小，禮拜日只有二十名左右 e 信徒聚會。

一九三七年三月三十日清早，阮某腹肚忽然痛起來，這痛並 m̄ 是因討厭 e 胃病所引起，卻是 hō 人驚喜 koh 緊張 e 陣痛，十月懷胎，阮期待已久 e 小寶寶 teh-beh 來臨了。

當時 e 頭城小鎮無病院、診所、甚至連助產士 lóng 無。只有古老、非專業性、無牌照 e 老阿婆為人接生。阮某陣痛，這是頭一胎，無生過子女 e 經驗，所以我隨時請來一位接生婆。伊真緊 tōh 來，無帶出診醫藥包、診察器或聽診筒。雙手空空 e 來，用這雙手摸摸阮某 e 大腹肚，問東問西，然後講：「是 beh 生了，但是只是 tú-tú 開始有徵狀，距出生 iáu 有一段時間。」講完伊就 tng 去了。

到了下晡，阮某腹肚一陣一陣痛 kah 厲害 koh 緊促，接生婆 koh 來看，chit-pái 伊講：「teh 要生了！快準備嬰兒用品。」伊叫阮某用力，伊 mā 助陣出大力幫忙，ē-sái 講

是久久嬰兒就是生不落來。接生婆焦急如燒熱鍋上 e 螞蟻，mā lóng 無辦法。

大約下晡四點，有一位神學生來訪問我，伊名字叫李雅各，是宜蘭教會鄭蒼國牧師娘 e 小弟 (李雅各了後來留學美國，成做台灣神學院 e 教授。) 真奇怪，我 kap 伊並無熟，伊突然來訪，這是伊第一 pái 訪問頭城教會，了後 mā 無 koh 來過，的確是上帝所差派來 e。

李雅各一踏入門就聽 tiòh 阮某痛苦 e Aih hng 聲，得悉是 gin-á 生 bōe 出來 e 難產，無 kap 我交談幾句話就講 beh tng 去厝叫姐姐來幫助。伊姐姐就是宜蘭教會鄭蒼國牧師娘，mā 就是大名鼎鼎 e 正牌助產士鄭李秋蘭女士。由頭城到宜蘭當時 tiòh 坐一點鐘頭 e 火車。助產士匆匆趕來頭城，已經是日落西山了。

伊馬上為婦人人 phah 催生針，嬰兒無久就降生了，但因時間拖延 siu 久，嬰兒出生時不哭 mā 不呼吸，看起來 kah-ná 絕望了。助產士馬上為嬰兒注射強心劑，並用各種急救方法操作，嬰兒終其尾「oah oah！」哭出聲來。助產士講：「假使 koh 再延遲五分鐘，嬰兒就無救了。」

「上帝是咱患難中及時 e 幫助，伊 e 話一點 mā 無錯。如果 m̄ 是上帝差遣李雅各來看看我，鄭秋蘭女士 mā bōe

知影阮正需要幫助，án-ne 效果真不堪設想。

Chit 件事對我厝來講是比耶穌救活睏魯 e cha-bó-kiá" koh-khah 直接、koh-khah 切實，mā hō 我親身體驗到上帝 tī 我身上所行 e 神蹟。

鄭牧師娘救活了我 e gin-á 後，看時間已經暗時八點了。為 tiòh beh jok-tiòh 最後一班車，伊快步走往火車站。一上車，火車就開了。但是鄭牧師娘當時家己 mā 有身孕。為 tiòh 救活我 e gin-á，生死關頭時 e 緊張，加上走往火車站 e 激烈運動，傷害了腹中 e 小生命，soah 致使保不住家己 e 胎兒，竟然 à u 胎了。這實在是真大 e 犧牲。

數日了後，我往宜蘭教會。向牧師娘感謝了後問伊接生費 ài jōa-chē 時，伊講：「同工麼，講什麼接生費？幫忙是應該 e。」伊以愛心堅持 m̄ 收禮，阮感覺過意 m̄ 去。為 t i o h 表示一點小意思，過了二、三工 koh 再往宜蘭送伊一隻大鬧鐘。了後 chiah 知影，chit 隻雞被關 tī 雞舍了後，隔工就 p h a h 無見去。是被偷 neh？iáu 是逃命 neh？Bē-tàng á 知，總講一句是一去無 koh tng 來了。

鄭牧師 kap 牧師娘 lóng 是真慈祥 e 人，愛護同工，提拔了後輩。阮 tī 頭城時，時常往訪 in，領教良多。In e 宿舍是蘭陽一帶傳教師 e 免費旅館，飯廳是同工 e 免費食堂。

鄭牧師 kap 牧師娘 bat 體驗過傳道師生活 e 清苦，所以鼓勵阮某 ài 讀產婆學，做助產士來幫助家計。因為伊 e 指導內人才買來二本助產學，tī 厝苦讀：因看上主幫助，竟然考 tiâu 助產士。


自此以後 m̄-nā 阮 e 生活改善，mā hō 八個子女 lóng 受 tiòh 良好教育。(待續)



阮——稀罕植物，親像 tī 台灣玉山頂頭 e 圓柏，別名“香青”你可能 tiā" tú-tiòh 對阮有話 beh 講 tiòh 明講因為阮知影阮 ka-tī：是真正罕有又 koh 優秀-- e 但是阮 tī 你 e 市場中心可能無價值來討你 e 歡心。

好啦！阮 a 知阮是 hō 造物主創造-- e 就親像你 iā 是 hō 造物主創造-- e 阮是無比你 khah 超過-- e 阮 mā 無比你 khah 低！

當然平時你 e-thàng 走 chhōe-tiòh 阮舉一例，tī 台灣玉山 e 頂頭，阮有植物：所謂 e 圓柏，別名“香青”分佈 tī 海拔三千四百公尺懸崖高山寒原帶，是樹種稀罕植物全 tī 澳大利亞，阮是 e-thàng 食蟲 e 植物



稀罕植物 e 悲歌

唐秉輝

tī 美國，mā 有人認爲阮是 hō 人來危害 e 植物。

稀罕植物有一寡 ù 溪水流域內底來阮 e-thàng hō 人走 chhōe-tiòh；阮是罕見或者無罕見，是根據人類 in 決定阮上市 e 條件阮依靠 in 做決定根據 in 對阮“稀罕” e 看法決定-- e。

舉幾 e 例，用感激 kap 確信 tui 心底一句一句明確講出來有一個植物，親像曲筆筒是一個有 khùn (l) e 形 mā 有其他植物是 khùn e 形苗條堅果、莢鐵青、澤粉紅，kap 滿地(2) siāng 愛 e 日光蘭花，煙草荒山，kap 接近沙 e 長春花 kap 茄色狸藻屬 e 植物等。

阮 m̄ 是 teh 怨人類所有 e 活動阮 m̄ 是無了解人類 e 活動或者無了解所有人類張持(3) e khang-khòe m̄-koh，in e 活動 kap khang-khòe 已經影響 tiòh 阮 e 生存 kap 生活！

In e 生活某一時對阮有幫助，舉幾 e 例

in 閒時駛愛 e 馬車 in 挖水窟 kap 水池，建設堤防 in 挖 chiá"-chē 沙路 殘留 chē chē e 沙量 in 清除 chiá" 長 e 電力線 ham 挖 chiá" 大 e 沙坑等等。

M̄-koh，人類 chit-má 所有 e 生活對阮來講 mā 有不利-- e 舉兩例，過 chē khia-ke 園林美化過 chē khia-ke ham 工業 e 發展。

阮 chit-má lóng teh 流目屎阮用心 beh 生存為 tiòh 阮 ka-tī 性命 e 生存 tī 阮 e-thàng 繼續生活 e 空間 ham 人類超過 e 欲望之間人類 kám 有法度 e-thàng 做好-- e 決定？人類 ka-tī 所做，in 必須來做平衡。

註：
1. khùn：迂迴。
2. 滿地：沼澤。
3. 張持：警惕。

五歲 e 美麗島

／李怡道

二〇〇九年，十月

Chit chām-á，厝裡並無安寧。Tùi 九月初開始，有一陣 t-gōa e 青少年，每拜三、拜六或是禮拜 e 暗時，就會來惹 tai-chi。起頭，in 會 lóng m̄ chhiah 電鈴、bih 起來，嘻笑阮應門無看人。鬧幾 pái 了後，我 kui 氣 kā 電鈴關起來，koh 來 lóng，tòh 是 mài chhap in niá。

In iáu 是 koh 來，而且無 koh bih 起來，顛倒是大大方方來吵鬧，大聲 lóng m̄，iáu 大細聲 hoah-hiu：「來 ah，來 ah！來開門 pah！」

怡廷一開始 hōng 惹了刺鑿，跳出來 beh 出去 kap in 講道理。「Kā-in 講阮厝裡有細漢 gin-á，án-ne 會吵 tiòh in e 眠 ah！」

前一 chām-á，地方新聞 chiah 報導一個類似 e 案例，一個老父 mā 是因爲厝裡有紅嬰 á，請窗 á 外 e 少年人放低聲量，結果 hōng phah 破玻璃。氣 kah 擋 bē-tiâu e 老父衝出去，結果 hōng 活活 phah 死。Chit-e 案件後來有破，chit 區 e 少年人 kioh-siáu 有 hiah 好無，我 mā 是非常懷疑，但像阮 chit 款瘦 koh 薄板 e 兩個外國人，sa 無對方是 chhòng-sng-e á 是有種族敵意，出去 kap 十幾年年輕氣盛 e 英格蘭青少年講理？我 á 是感覺無妥當。心內 teh 想到底 tiòh kā 警方備案？tiòh kā 社區安全系統通報？á 是 kā 壘球棒 khng tī 門口備用？

無論按怎，in 已經 kā 阮感覺 siōng 安全 e 所在——阮 tau，bú-kah 無哈安寧，甚至我 iáu 暗暗 á teh phah 算，若事態嚴重，搬厝 mā 是需要。

恩諒 kap 恩諒，一個五歲，一個 tú 滿三歲，兩個人認 bat e 世界 lóng iáu 算美好。有人來 lóng m̄，m̄ 是郵差送「禮物」來，就是外賣 e 食物，koh 再若無，就是厝邊小朋友來相 chhōe，簡單來講，lóng 是好孔 e。

前幾工 e 暗 頭 á，隔壁開門關門 e 音量小 khóa kah á，阮兩個仔仔 kiò 是有人 teh lóng m̄，一個熱 phut-phut 衝到門口，beh tau 開門，一個走到門口，ài-beh 看是 siàng 來。

五歲 kap 三歲，ē-tàng 理解到什麼地步，阮無真大 e 把握，但阮 á 是 kā in 解釋阮 e 煩惱，mā 希望 in 千萬 mā 家己開門。(待續)



王康陸博士紀念基金會

王康陸博士終生獻身於台灣獨立建國運動，他主張以愛與非暴力的原則來抗爭強權。他旅居美國 27 年，一直默默為保障台灣人的基本人權及致力於獨立建國運動而奮鬥。1991 年 10 月台灣獨立建國聯盟遷台，王康陸放棄在美的一切，闖關回台，於台灣本部盟員大會中現身，被國民黨出動大批警力逮捕，並以非法入境及叛亂罪起訴關在土城看守所七個月。出獄後他全心全力在台灣聯盟總部工作，擔任秘書長，積極推廣台灣獨立建國運動。1993 年 10 月 12 日王康陸在文化大學演講後，於歸途中在情治單位監控下，以離奇車禍而被謀害，享年僅 52 歲。

王康陸博士去世後，家人及親友決定設立王康陸紀念基金會，以繼續他的理念。基金會於 1994 年 4 月成立，主要以參與及協辦各項提高台灣人權，提昇台灣國際地位及宣揚台灣獨立理念之活動，1995 年開始與全美人權協會合辦設立王康陸人權獎，每年頒獎給對提高台灣人權有貢獻的工作者。

王康陸博士紀念基金會在台灣王康陸的母校中興大學頒發六名獎學金，鼓勵台灣學子關心及參與維護台灣主權之各種活動，也於美東夏令會每兩年贊助舉辦紀念音樂會與鄉親共享。今後基金會仍將繼續與全體台灣人民共同為推動獨立建國運動而努力。

王康陸博士紀念基金會會址：POBox6165LongIslandCity, NY11106Tel:718-939-1525
台灣辦事處地址：100 台北市杭州南路一段 27 號 2 樓 Tel:(02)2357-6656

台語文專刊

蕃薯園 (311)

請踴躍投稿 e-mail: chuniok@jomai.com